

Ժ .

Ա՛յ իմ մարգարտե շարոց, պագ մի տուր որ ես մեռնիմ ոչ:

– Ծօ՛ թուիս ու գըռուզ կըտրիճ, պա՛գ հազար թե պարծենաս ոչ.

Յորժամ ի մեջլիս նըստիս՝ հարբենաս, ուղղել կարես ոչ.

Չպագն ի քեզ պարծանք հաշուես, զամօթուդ տեղըն գիտես ոչ:

Ժ Ա .

Ասես թե եաղույթն ես դու կամ զըմուրս կամ ամբարիկայ

Թափած է ի քո վերայ վարդեջուր հազար փիալայ:

– Հո՛գի, թե զայժ ինձ ասիր, նա ճերմակ ծոցըս մի ծառայ.

Չկոճկիկս այլ արձակ անեմ, մո՛ւտ ի մե՛ջըն յեշրաթ արա՛:

Ժ Բ .

Առին զիմ եարին սուրաթն, տարան Չին –Մեջին արմաղան,

Տարան եւ ի ժուռ ածին, սուրաթին նըման չըգըտան.

Հինգ հարիւր ու վեց հազար նախշարարն ի մեկտեղ եկան,

Մեկըն չըկարաց գըրել զիմ գարին սուրաթն ի նըման:

Ժ Գ .

Խօ՛շ եարիկ, կարե՛ս գիտել դու իմ գա՛լըս քեզ գիշերով.

Եկի գթեզ ի քուն գըտայ, պագ առի հազար համարով.

Չըգիտեմ թե քո՛ւն էիր թե տըւիր դու սըրտի կամով,

Կամ խիղճ ի մըտիդ բերիր թե մանուկ մ՛երկեր գիշերով:

ԶՍԱՆԵԻՅԻՆԳԵՐՈՐԴ ՏԱՂԱՇԱՐՔ

Ա .

Չինչ նուռն ի նըռան վըրայ, ես եմ ձեր դըռանն ի վըրայ.

Չինչ հաւն ի կըտինվրայ, ես ի ձեր երդիցն ի վըրայ.

Կամ ա՛ռ կամ խապուլ արա՛, կամ գըրե՛ զանձըս քեզ ծառայ,

Թե չէ առուփախ կ'անեմ, աչքըդ լայ, անձըդ երերայ:

Բ .

Ի՛նչ կ'անեմ կամ ի՛նչ լինիմ, որ կ'երի սըրտիկս ամեն օր.

Կու սիրեմ ազապ աղջիկ, կու ձըգէ պագիկն օրմեն օր.

Քերամ քեզ, եա՛ր, ա՛խ արա՛, կուգամ քեզ հանց խաֆիլ օր.

Հոգեկ, ի՛նչ եար, ա՛խ, առնեմ, ինչ ունիմ ի նա է այսօր: